



Inatsisartuni ilaasortaq, Hans Enoksen  
Maani/

### § 37 naapertorlugu apeqquteqaammut nr. 082 2024-mut akissut.

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, nannut inoqarfinnut aamma savaateqarfinnut pulasartut pillugit. Apeqqutitit uanga suliaasaqarfigisannut akisassanngortinneqaarsimapput.

*Apeqquteqaat 1): Inoqarfinnut aammalu savaateqarfinnut nannut inuit akornannut pulasartut sooq toqunneqaarsinnaanngillat?*

1)-mut akissuteqaat: Nannunik sumiluunniit naammattuinermi ulorianartorsionermilu kinaluunniit imminut illersornissamat allatullu ajornartumik nannumik toqutsinissamat pisinnaatitaaffeqarpoq, tamannalu pinerluttulerinermik inatsimmi tunngaveqarpoq.

Nannunik piniarneq illersuinerlu pillugit Namminersorlutik Oqartussat nalunaarutaat nr. 5-mi, 6. marsi 2023-meersumi, nannut inoqarfinnukartartut aamma savaateqarfinnukartartut, pissutsit apeqqutaatillugit, "nannut ajornartorsiutaasut"-tut isigineqartarput. Nassuiaat sukumiisoq malillugu "nannut ajornartorsiutaasut" tassaapput nannut siusinnerusukkut qimaatinniarneqartaraluarlutik inoqarfinnut uteqqiattut inunnet, peqqumaatissatut katersukkanut aamma pigisanut immikkut aningaasaqarnermut tunngatillugu pingaarutilinnut qularutissaanngitsumik ajoqusiinnaasut.

Tassa imaappoq nanoq inoqarfinnukartoq imaluunniit savaateqarfinnukartoq ingerlaannartumik "nanoq ajornartorsiutaasoq"-mik taaneqaarsinnaanngilaq. Nannunik inoqarfinniit imaluunniit savaateqarfinniit qimaatitsiniarnermi "nannunik takunninnermi najoqqutassaq" malinneqassaaq. Taamatut pisoqarnermi nanoq inoqarfiup imaluunniit savaateqarfiup eqqaaniinnersoq imaluunniit iluaniinnersoq apeqqutaasarpoq, pissutigalugu inoqarfinni politiit kisimik sakkunik atueqqusaammata. Politiit taamaalillutik oqartussaaffigivaat. Taama ittoqartillugu politiit naalakkersuisoqarfiullu akornanni siunersiueqatigiittoqarsinnaavoq, tamannalu tamatigunngajak pisarpoq.

Nalunaarummi taaneqareersumi § 20 malillugu nanoq ajornartorsiutaasutut nalilerneqartoq inuussutissarsitugalugu piniartumit atuuttumik akuersissutilimmit toqunneqaarsinnaavoq, taamaattoqartillugu inuussutissarsitugalugu piniartup nanoq piginnarsinnaavaa.

*Apeqquteqaat 2): Nanoq uumasuusooq qaasuttoq qungasiatigut tasikkumiaannarlugu angalaarunneqaarsinnaanngitsooq. Taanna inunnet ulorianarlunnartuummat paaserusunnaarpoq Naalakkersuisut pilersaaruteqarnersut nannut inuit savallu akornannut appakaattut ingerlaannaq toqunneqartalernissaannut suliniuteqarniarnersut?*

Ulloq: 13-05-2024  
Suliap normua: 2024 - 8948  
Akt normu: 92072726

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

2)-mut akissuteqaat: Apeqquteqaammut 1)-mut akissuteqaammi taaneqareersutuut nannunik sumiluunniit naammattuinermi ulorianartorsiornermilu kinaluunniit imminut illersornissamut allatullu ajornartumik nannumik toqutsinissamut pisinnaatitaaffeqarpoq, tamannalu pinerluttulerinermik inatsimmi tunngaveqarpoq.

Nannut ajornartorsiutaasunut atatillugit nannut piniagaanerat illersugaanerallu pillugit nalunaarummi 2023-meersumi iliuuseqarnissaq aamma ajornannginnerulerpoq. Nalunaarummi pineqartumi § 20 malillugu nаноq ajornartorsiutaasoq naalackersuisoqarfimmiit akuersissummik peqqaarnani toqunneqarsinnaalernikuuvoq.

Inussiarnersumik inuulluaqqusillunga



Kim Kielsen  
Aalisarnermut Piniarnermullu Naalackersuisoq